

陽武縣志卷之十一

藝文志

日月經天山川華地文固二儀之所炳耀也國史
邑乘無藝文以麗之譬罔無州木人不鬚眉矣故
世家列傳割昔史之鴻篇蘇碣童謠收前人之逸
響庶百里提封不至爲子山所咲惟寒山一片石

耳志藝文

王言

明

景泰四年遣都察院右副都御史王暹致祭河伯文
惟神奠鎮茲土以庇利爲職比聞連歲伏陰雨雪
過多農事艱舉人民乏食困斃不勝朕心憫惻此
固朕之不德所致然念朕與神受育民之責於天
其任惟鈞而神則又獨司陰陽闔闢之機物理變
化之運必令此沴爲民病乎咎固當歸於朕神亦
焉得而辭故敢以告尙冀神休大布陽和之惠溥
成發育之功專候感通以慰輿望謹告

景泰四年遣刑科給事中姚旭祭告河伯文國以兵

民爲本兵民以食爲天仁政所先孰加於此方秋
百穀將實重以漕運方殷雨澤罕敷河流多矣兵
民所望疇當副之夫朕爲國子民而神爲民捍患
殲諸天職然有司存朕所能爲豈敢畏難於朝夕
神之易舉詎可辭勞於指麾沛膏雨以作豐年助
順流而爲通道願有禱也冀無負焉謹告

宣德年工部虞衡司郎中李訓誥命

國家用人所以熙庶績故有其效者則必有欽進
之典焉爾行在工部虞衡清吏司郎中李訓累佐

郎署克效勤勞歷年茲多是用陞擢益克懋懋宜
有寵褒茲特進爾階爲奉政大夫錫之誥命夫官
成而怠君子不爲也尚益奮勵以典爾庸欽哉
成化四年吏科給事中毛志勅命

國家設六科給事中所以平奏述詳命令審復是
非駁正違失其任重且要矣非得恭愼端直之士
曷克稱焉爾吏科給事中毛志發身賢科擢任斯
職歷年茲久茂著才猷特進爾階徵仕郎錫之勅
命以示褒榮夫君近侍之職在識大體而略細故

扶正道而進謹言爾宜益端乃心勵乃行毋徇母
激懋于厥官尙有顯秩待爾後成欽哉

成化八年南京山西道監察御史蘭澄勅命

朝廷設監察御史欲其振風紀舉憲綱激濁揚清
以弼成國家之治也匪得廉慎剛明之士曷克稱

焉爾南京山西道監察御史蘭澄發身賢科擢任

風紀歷年旣久聲績著聞宜錫寵恩以旌勞勩是
用進爾階文林郎錫之勅命以爲爾榮夫官以察
爲名以言爲責貴于畧細故而存大體扶君子而

抑小人爾尚益正乃心益潔乃行毋私於法毋撓
於勢毋訐以爲直毋苟以爲能夙夜懋修用光寵
命欽哉

洪治三年刑部湖廣清吏司署郎中事員外郎馬龍
誥命

刑部古秋官而置屬特詳盡職專邦禁大小刑獄
係焉非得廉恕明慎之士曷克以稱刑部湖廣清
吏司署郎中事員外郎馬龍發身賢科累遷今職
歷年茲久克慎且勤宜錫寵恩以旌勞勩是用進

爾階奉直大夫錫之誥命以爲爾榮尙體朕欽恤
之意懋修厥職毋縱毋苛用昭時譽爾惟欽哉

正德十二年廣東道監察御史王光勅命

國家設風憲之職以監察爲名內肅百僚外巡羣
服于事未始不得預于言無所不得陳顧責任之
甚艱肆班行之特重匪兼才行曷稱簡求爾廣東
道監察御史王光鄉榜魁英甲科高第首居邑令
茂展民庸賢勞累奏於旌書顯秩超遷於臺憲抗
章廷陛論列有聲按部落方激揚無忝矧官箴之

克守肆行檢之肆彰考最旣書寵褒宜示茲特進
爾階文林郎錫之勅命於戲爲政莫難於風紀已
徵名績之良事君務在於忠誠勿替初終之節益
臻來效以示登崇欽哉婦專饋祀儀行不出於閨
門國重褒封寵命必均於伉儷况乃賢能之配可
無推錫之恩廣東道監察御史王光妻婁氏儀度
周詳性資婉嫕秀鍾舊族德婉英流禮儀相成志
不違於姆訓勤儉自勵動必協於家規婦道旣修
褒章宜錫用旌內助式耀中閨茲特封爲孺人

敦祗慎之風益迂駢蕃之寵

贈廣東道監察御史王嵩勅命

朝廷待士之恩莫重於褒錫人子報親之志莫切
於顯揚矧惟世宦之良克懋家傳之業肆推恩命
奚間存亾爾故山西平陽府河津縣縣丞致仕王
嵩乃廣東監察御史王光之父學瞻才優行修志
篤業成胄監官列花封守已愛民方馳聲於佐政
投閒歸老遂樂志於田園顧惟令子之登庸寔出
義方之貽訓揚清激濁名振臺綱錫類追崇光生

泉壤國典方新而未已慶源斯衍而彌昌茲特贈
爲文林郎廣東道監察御史庶其未泯之靈歆此
至優之渥

母德兼乎教育與父式均君寵重於褒崇惟臣是
勸顧乃忠賢之績足徵慈範之良風教是關幽則
閭閻爾孟氏乃廣東道監察御史王光之母慈孝
夙全儉勤兼至系由名族嬪於儒門秉正道以相
夫功光仕籍佐義訓以成子榮陞憲臺顧風紀之
茂彰已泉局之久闕養違鼎釜報德之願徒勤光

賁絲綸追卹之恩宜厚茲特贈爲孺人匪徒慰懿
靈於九原亦以播休風於奕世

嘉靖三年中憲大夫保定府知府王光誥命

親以之任在郡守爲甚隆錫命之榮在司封爲大
重蓋法有定制而恩有特施凡沾旌獎之名必在

褒嘉之列爾直隸保定府知府王光誥賢科司
官劇邑北入遷于憲府載出守于名邦伯民寧
悌之心恒敷善政處事勵公勤之志不替官箴薦
剡交騰聲稱茂著肆加恩寵用獎賢勞茲特進爾

階中憲大夫錫之誥命於戲養民以施惠爲先已
徵嘉績保譽以永終爲善益勵初心尙有崇階以
需來效欽哉

臣有事君之功家隨以顯妻有從夫之義身與共
榮國典俱存爰倫攸繫直隸保定府知府王光妻
封孺人婁氏出自名族嬪于儒門順王從夫志不
違於姆訓勤儉率下動必協於家規載錫褒章用
旌賢德特加封爲恭人益虔敬戒之心以迎嘉祥
之至

贈中憲大夫保定府知府王嵩誥命

臣之賢能既稱其位而勞於國君之盛命必榮其
身以及其親豈但推恩用申不匱之義亦惟報德
以盡罔極之心爾贈文林郎廣東道監察御史王
嵩乃直隸保定府知府光之父稟質純良持身勤
慎蚤登仕籍晚樂田園眷惟賢嗣之成才益表陰
功之素積內臺奏績已荷追崇外郡遷官再申推
錫茲特加贈爲中憲大夫直隸保定府知府非惟
彰裕後之休亦以著升前之美

母德兼乎教育與父實均君寵重于褒封惟賢是
勸幽明罔間今古弗殊爾贈孺人孟氏乃直隸保
定府知府王光之母稟行純良持家勤儉相夫以
禮教子多勞見今四品之崇階已棄三牲之至養
載頒寵命用慰孝思茲特加贈爲恭人諒增耀於
九泉尚垂休於百世

國朝

康熙三十六年浙江衢州府常山縣知縣堵之懷勅
分符百里必遴出宰之材報最三年奚

重懋官之典爾浙江衢州府常山縣知縣
堵之峻雅擅才能克宣慈惠撫綏有要常
深疾痛在已之心懷保無窮不忘顧復斯
民之責茲以覃恩授爾爲文林郎錫之勅
命於戲前勞已茂用褒製錦之能來軫方
道益勵飲冰之操

康熙五十二年江南池州府建德縣知縣加一

級張素履

勅命分符百里必遴出宰之材報最三年爰重懋官

之典爾江南池州府建德縣知縣加一級張素履
雅擅才能克宣慈惠撫綏有要常深疾痛在己之
心懷保無窮不忘顧復斯民之責茲以覃恩授爾
爲文林郎錫之勅命於戲前勞已茂用褒製錦之
能來軫方道益勵飲冰之操

康熙五十二年分守山西水泉營副將管遊擊
事加一級劉文貞

誥命簡菟軍旅運籌叅坐鎮之權筦握兵機決策贊
元戎之壬克宣勇力宜錫崇褒爾分守山西水泉

營等處地方副將管遊擊事加一級劉文貞禦侮
長才折衝壯畧虎符分統作上將之股肱鶴列森
陳樹偏師之羽翼奏膚功於保障展茂烈於干城
慶典欣逢殊榮用沛茲以覃恩特授爾階驃騎將
軍錫之誥命於戲聲威有赫良由將帥同心綸誥
生輝祗受國家上賞益勤武備永荷恩光

雍正十三年中憲大夫直隸霸昌驛傳糧餉副

使道孫魯

誥命九賦惟均爰藉佐宣之職三農用勸遂分掌計